

## TRÍATLON DE MENORES 2019

### 1. PARTICIPANTES

Poderán participar deportistas con licenza federativa galega en vigor en 2019, nados e nadadas entre os anos 2002 a 2012 (ambos incluídos).

### 2. INSCRICIÓN

A inscrición para as probas de Tríatlon de Menores, formalizarse a través da páxina Web: [www.fegatri.org](http://www.fegatri.org), dentro do apartado Competicións/ Regulamentos-inscricións, accedendo á proba de referencia.

Cada club deberá designar un Técnico/Delegado, responsable do Club fronte calquera incidencia da competición. Os seus datos, cun número de teléfono de contacto, serán comunicados ao email fegatri@hotmail.com. Para poder validar a inscrición na proba.

### PRAZO DE INSCRICIÓN EN CADA PROBA

As inscricións pecharanse o martes anterior á proba.

### Comunicación de baixas

Estas deben ser comunicadas antes das 20:00 horas do mércores anterior á proba.

As baixas non comunicadas en prazo terán a penalización vixente de 5€ por deportista, que serán facturados ao club, ao final de cada tempada.

### 3. CATEGORÍAS

**BENXAMÍN masculino e feminino:** nados nos anos 2010-2009.

**ALEVÍN masculino e feminino:** nados nos anos 2008-2007.

**INFANTIL masculino e feminino:** nados nos anos 2006-2005.

**CADETE masculino e feminino:** nados nos anos 2004-2002.

**PREBENXAMÍN masculino e feminino:** nados nos anos 2012-2011. (a petición do organizador autorizado polo DT se as condicións da natación o permiten). 50m.-1.000m.-250m

### 4. DISTANCIAS A PERCORRER

O Tríatlon é un deporte combinado e de resistencia, no cal os deportistas realizan tres disciplinas en tres segmentos: natación, ciclismo e carreira a pé. A orde é a sinalada e o cronómetro non se para durante todo o tempo que dure a competición.

CATEGORÍAS	Natación	Ciclismo	Carreira
Benjamín	100 m	2.000 m bicicleta	500 m
Alevín	200 m	4.000 m bicicleta	1.000 m
Infantil	400 m	8.000 m bicicleta	2000 m
Cadete	750 m	10.000 m bicicleta	2500 m

## 5.- SISTEMA DE COMPETICIÓN

- O circuíto estará composto polas 3 probas en calendario.
- A Final Galega será aberta, non será preciso clasificación previa

### CLASIFICACIÓN INDIVIDUAL DO CIRCUÍTO

- Haberá clasificación individual e por equipos (tanto masculina coma feminina), en cada proba.
- A clasificación final do circuíto realizarase sumando os postos das probas que o componen, puntuando sobre os postos na Final Galega. Se un deportista non participase nunha proba, ou non acadase posto na mesma recibiría 100 puntos.
- O que menos puntuación teña será o o vencedor

### CLASIFICACIÓN DO CAMPIONATO GALEGO

\*A clasificación por clubs será global puntuando cada club máximo 3 deportistas por categoría por posto acadado segundo a seguinte táboa:

Posto	Puntos	Posto	Puntos	Posto	Puntos	Posto	Puntos
1	50	11	35	21	25	31	15
2	48	12	34	22	24	32	14
3	46	13	33	23	23	33	13
4	44	14	32	24	22	34	12
5	42	15	31	25	21	35	11
6	40	16	30	26	20	36	10
7	39	17	29	27	19	37	9
8	38	18	28	28	18	38	8
9	37	19	27	29	17	39	7
10	36	20	26	30	16	40	6
						$\geq 41$	5

- Exemplo club:
  - Benxamín feminino: 1<sup>a</sup> e 17<sup>a</sup>= 50+29= **79 puntos**
  - Benxamín masculino: 5<sup>o</sup>, 11<sup>o</sup>, 12<sup>o</sup> e 16<sup>o</sup>= 42+35+34+30 = **111 puntos**
  - Alevín feminino: 2<sup>a</sup>, 8<sup>a</sup> e 15<sup>a</sup>= 48+38+31= **117 puntos**
  - Alevín masculino: 16<sup>o</sup>= **30 puntos**
  - Infantil femenino: Sen representación= **0 puntos**
  - Infantil masculino: 4<sup>o</sup> e 20<sup>o</sup>= 44+26= **70 puntos**
  - Cadete femenino: 11<sup>a</sup> e 26<sup>a</sup>= 35+20= **55 puntos**
  - Cadete masculino: 1<sup>o</sup>, 41<sup>o</sup> e 50<sup>o</sup>= 50+5+5= **60 puntos**
  - **TOTAL CLUB= 79+111+117+30+0+70+55+60=522**

Resultará vencedor o club con maior puntuación.

En caso de empate, vencerá o que más primeiros postos acadara.

De persistir o empate vencerá o que más segundos postos acadara, más terceiros,...

## 6.-NORMAS DE COMPETICIÓN

A competición disputarase baixo a normativa vixente do Regulamento Oficial de Competición da Federación Española de Triatlón e Federación Galega de Triatlón.

### Normas básicas

#### Os participantes deberán:

- Acudir con (DNI/Licenza) e presentalo en todos os contros dos oficiais.
- Levar o material necesario; bicicleta, casco, zapatillas.
- Coñecer os percorridos.
- Obedecer as indicacións dos oficiais.
- Respectar as normas de circulación.
- Informar a un oficial cando se retiren da competición e entregarlle o seu número.

#### Os dorsais:

- O uso de dorsal será o establecido no regulamento oficial de competición FETRI
- Obligatorio o seu uso en carreira a pé. Debe ser visible na parte dianteira do atleta.
- Deberán colocarse todos os dorsais (corpo, bici, casco,...) que provea a organización antes de entrar ao control de material

#### O casco

- O uso de casco, correctamente abrochado, é obligatorio dende antes de coller a bicicleta ata despois de deixala na área de transición no seu soporte. Isto inclúe, polo tanto, todo o segmento de ciclismo e os percorridos polas áreas de transición en posesión da bicicleta.
- Se un atleta se retira por razóns de seguridade non deberá desabrocharse o casco ata que estea fóra do circuíto ciclista.

### SAÍDAS

- Benxamín e alevín- carreiras separadas ou saída conjunta, nunca saídas separadas por período de tempo.
- Infantil e cadete.- de ser necesario separarlas posibilidade de tempo máximo a 1 minuto
- A criterio regulamentario e valoración do DT

## NATACIÓN

- O atleta pode nadar no estilo que desexe. O atleta debe fazer o percorrido marcado. O atleta non pode recibir axuda externa.
- En caso de querer retirarse ou precisar axuda, o atleta debe alzar o brazo e solicitar asistencia. Unha vez é atendido, o atleta debe retirarse da competición.

## CICLISMO

- Haberá unha liña de montaxe marcada no chan ao saír da transición, tras a cal o atleta debe subirse á bicicleta. Ao finalizar o percorrido ciclista, atopará a liña de desmontaxe antes da cal deberá baixarse ao chan, para entrar na zona de transición á carreira a pé, levando a bicicleta coa man ata o seu lugar, que estará indicado co número do dorsal. O circuíto estará totalmente pechado ao tráfico de vehículos.
- Permiteuse o uso de bicicleta de montaña.
- Permitese o uso de minifreos engadidos ao manillar para categorías, prebenxamín, benxamín e alevín

- Nas categorías benxamín, alevín e infantil, ante unha avaría na bicicleta permítese axuda externa para a reparación, por parte da organización, xuíces, ou técnicos acreditados.
- Nas competicións de menores con saídas convexas, dentro da mesma carreira, permítese o drafting entre sexos

## CARREIRA A PÉ

- O atleta pode correr ou camiñar.
- Non pode correr co casco posto.
- Non pode ser acompañado por ninguén que non estea disputando a competición.

## AREA DE TRANSICIÓN

- Cada atleta poderá usar exclusivamente o espazo marcado co seu número.
- O espazo individual non podrá ser marcado con elementos que axuden á súa identificación.
- O material debe estar no seu lugar antes, durante e despois da competición. O maltrato de material, actitudes como tirar o casco en calquera sitio ou de falta de respeito, serán sancionadas.
- As bicicletas débense deixar na área de transición na situación asignada. Co guiador mirando cara o pasillo onde estea colocado o número do deportista.
- Só está permitido deixar no espazo asignado na área de transición, o material que vaia ser usado durante a competición.
- O casco, zapatillas de ciclismo, lentes e outro equipamento de ciclismo, pode estar colocado na bicicleta.
- Todos os atletas deberán circular polas áreas de transición conforme a sinalización marcada polos xuíces da competición, non estando permitido acortar o percorrido pola transición, pasando por debaixo das barras ou cintas.
- Só se poderá retirar o material da zona de transición, unha vez acabada a proba, cando os xuíces/oficiais da competición así o indiquen. Os deportistas acudirán identificados para a súa retirada.

## 7. OUTRAS NORMAS

Todos os aspectos non recollidos nestas normas serán regulados pola normativa oficial da Federación Galega de Tríatlon e Pétaton Moderno, que se pode consultar na páxina web: [www.fegatri.org](http://www.fegatri.org)